


沅陵縣誌

卷一至二

地 264.23  
32.44  
:1

地 270.179  
32.44



序



楚南之辰郡古之黔中地也余考諸圖史自馬伏波征五溪蠻呂种矯制受降置官吏分苗民興學校而

進序一

其地始定久之建郡治沅陵爲附廓邑風氣日開文物漸盛於以上扼滇黔下障常岳竟稱西南要區余謬膺

命來守是邦甫下車卽索  
郡邑志乘欲以周悉險易  
洞察利弊與一方人民樂  
爲更新之舉登之衽席固  
余之願也沅邑卽令歷階

遲序二

而前曰沅之志散佚久矣  
近與張司鐸謀輯一編以  
備採擇行且脫板矣不數  
月成書以進余再爲翻閱  
見其凡例甚悉千餘年之

遺風流俗數百里之民情  
土物與夫一時之政教禮  
制嘉言軼行無不條分縷  
晰作而言曰有是哉即令  
之治沉也抑亦可以治辰

遲序三

矣夫辰之爲要區也匪朝  
伊夕余少時侍先大夫  
分守岳常當寅卯之際滇  
逆蠢動

王師戡定道經辰沉間軍

海舟先大夫夫飛輓以濟師  
督百千艘歷甕子洞清浪  
灘壺頭橫石諸險皆沉境  
也爾時勞瘁莫可舉似嘗  
頓舟巉巖下石壁斗絕足

遲序四

不能度絳曳無從者數十  
里立製鐵索千丈穿山鑿  
石縷縷相踵始得扳緣而  
行余蓋目擊其事以爲一  
時之利也昨舟過其處猶

復覩先人之遺澤往來商旅莫不稱便曰遲使君之利溥矣哉嗟乎一時之計惠茲後人如是先大夫可謂功在人間不言所利者

遲序五

也余忝司牧將欲廣先大夫之德以畢吾衽席斯民之願厥自沉陵始乃今手沉志而區畫其險易興除其利弊因而推之各州邑

以敷政治而謂志乘之可  
缺畧焉已乎然而編也  
主之卽令成之張司鐸其  
勞勤可嘉沉之人士倘亦  
念官斯土者之未嘗不殫

進序六

精竭力也今而後風移俗  
易食德懷教庶不負余之  
願望矣夫因弁簡首以志  
不朽云

昔

康熙四十四年歲在乙酉  
仲冬月上澣知辰州府  
專閩陽遲端題



遲序七

重修沅陵縣志序

郡邑之有志猶國之有史皆以裨世教也  
考志之名肇自班固轉相祖述至唐元和  
後地志盛傳其所臚列者人物賢愚之跡  
禮俗豐儉之因民賦損益之端文質盛衰  
之故無不籍以鑒戒雖一隅之故事卽國  
史之勸懲也答之人兢兢焉慎之良有以  
哉曩者

沅陵縣志

卽序一

聖天子有合志一統之盛舉命天下郡邑纂  
輯志乘以資採擇督修之檄屢下而沅陵  
以荒徼之巖邑志書久缺司其職者草率  
應命予初聞其故輒駭然懼旣而愀然恨  
欲共人士力爲整齊乃簿書碌碌或履畝  
清丈或軍興旁午形神交瘁卒不暇議歎

事蓋沅之厄於變亂也獨甚。國初之歸誠既後瘡痍未復而逆命者又盤踞數載重以咨嘆其堪厯念者多矣何則地介楚尾壤錯苗獠則苦其荒僻兵燹迭更文獻無徵則慮其缺漏而且歷遡前代不一見據實紀遺之筆則其傳聞蕪穢疑信參互於是而欲備考証昭鑒戒也非一朝夕之

故此予之所以慙慙致恨也已而自惟予承乏茲土已歷年所亦嘗究心於土物風習覺運會形勢之猶悉也遊目於古今圖史覺常變善敗之可考也士大夫暨諸耆逸日匡予不逮覺廢興得失之端尚條分縷析也近得學博張君可共商推劬諮博採編次一書予因細加校訂彙而成之自

漢季以訖今茲發凡舉例備物昭軌其體具其用備大之有關於政治者天道明人紀正而體國經野釐然不爽矣次之有係於風教者忠孝節義名宦鄉賢剔疑晰微而移風易俗井然可考矣下之可供遊觀廣見聞者若小酉藏書海宇艷慕玉華奇勝輜軒寄味悉訪求典故搜綴詩文而奇

沅陵縣志

即序三

蹤靈輿燦然在目矣視咎人之地志何多讓焉其亦可以釋予之恨也夫雖然今

聖天子在上軫念民瘼各上憲加意撫綏予之爲沅人計者更有在也沅以滇黔之衝水陸供億箕會煩苛民不堪命予是以有清歸驛夫之任沅又磽瘠之區也歲入不給而科糧舊則獨重他邑往往以逋賦

獲譴予是以有懇減科則之文若夫學宮  
傾頽百年來不克大爲修建振起人文予  
是以又有請修學宮之舉頃夫役弊革矣  
學宮飾光矣而減則之請雖未卽邀

題

達然皆時事之最大者附載志中以遺後  
人使後之覩茲編者亦且蚤智觀時先手  
馭變以展其道濟一方之功用則又沉之  
厚幸豈第釋予之恨也哉因志之成也爰  
敘其崖畧以弁簡首

沅陵縣志

卽序四

昔

康熙四十四年歲在乙酉且月上澣湖廣  
辰州府沅陵縣知縣事襄平卽廷樾題



序

世謂郡邑之志與國史同然考地志之詳畧多與史異卽地志之特著者若宋敏求之長安東京與志華陽荊州異顏惟喬之隨州與志武功練川又異武功練川近古而太畧隨志畧於隨而雜舉時政地勢使然耶抑鑒戒別有在耶江淹云修史之難

沅陵縣志

張序一

莫甚於志可易言哉辰之沅陵自漢建武始爲下雋後析魯溪最後附郡治壤鑄苗獠役供滇黔層山複嶺之中五溪奔迅其土物風習文教武備大半舛錯則志沅者又較異乃百餘年來無修輯之舉徒託於郡以存其概可慨也夫至歷考郡志最善者莫如侯公加地之書近得殘本其於邊

防則詳於文物則畧其思患豫防不暇丘壑之顧戀而邊關之綢繆亦因地勢而或異歟今者

聖神文武之治一統無外冰天桂海咸沐雅化窮阨僻塲悉標文治凡郡邑志乘早已撰掇絢繪上供天祿石渠之用况沅亦一奧區也小酉之圖書壺頭之壁壘古今艷

稱而玉華之輜軒勃宰沅江之煙雨滌泗向之湮沒于兵燹者不更發皇於近之治安乎予自辛巳初至卽抱杞宋無徵之恨已而邑侯卽公日共商推尚恐修舉之不遑于是謀之紳士耆碩恣爲採訪斷碣殘楮隻字可登者不憚心神之瘁兩歷星霜三易草本缺者補之訛者正之畧者詳

之繁者節之決善敗於衆口定是非於輿  
論發凡起例微顯闡幽釐爲十卷而附以  
雜記聊以供他日之採取云爾草旣具而  
邑侯卽公彙而成之以付剞劂氏予心慙  
然懼以固陋貽誚也然卒不得辭爰詮次  
其義而弁之曰志圖象所以固牧圉也翼  
軫分奠疆索區矣溪崗爭奇景物昭矣志

建置所以審世變也沿革縷陳百廢舉矣  
村隅鱗次衆目彰矣志秩官則撫字之治  
出匡翼之化並行矣志學校則教育之澤  
未禮樂之制綦詳矣地之制勝者山川負  
崇帶浸志厥險易如指掌焉國之大事惟  
祀典祈賽蜡報志厥春秋庶受福乎志選  
舉而知才以治繩也出而匡王事績旣闡

入而善俗德範斯翔志人物而知地以人  
傳也君子之光惟忠惟孝人倫之望以節  
以撻若夫節愛者有司之責也辨土作貢  
民力恤乎審方植物財源裕乎志賦役則  
繼以物產而戶口田畝其盈縮可辨也安  
全者守土之道也曰寄干城不望父母乎  
曰萃賢哲不祛衰邪乎志武備則繼以宦

績而流寓方外其善敗可推也非文不行  
今簪雖遼運會具在故志藝文因事稽疑  
繼悉不捐龐俗堪存故志雜記終焉

康熙四十四年歲在乙酉且月上澣辰州  
府沅陵縣儒學署教諭事舉人梅川張佳

晟題



沅陵縣志

目錄

卷首

修輯姓氏

凡例

一卷

圖象

軫宿圖 縣治四境圖 縣治圖 儒學圖

書院圖 小酉山圖 金華山圖 壺頭山

沅陵縣志

首卷目錄

一

圖 明月山圖 玉華洞圖 辰龍關圖

天文

分野

輿地

疆域 沿革 里社 市村 風俗 氣候

二卷

建置

城池 公署 倉庫 宮室 郵傳 驛道

津梁 池塘